

PAPURAU BUSNES

Rhan 1 – Adran G

Rhybuddion o Gynigion a Gwelliannau ar gyfer Dadleuon yn y Dyfodol

Cynigion a gyflwynwyd ar 13 Hydref 1999 i'w trafod ddydd Mawrth 19 Hydref

PWNC AR GYFER DADL FER

Christine Humphreys (Gogledd Cymru):

Clefyd Alzheimer a Rhoi Aricept ar Brescripsiwn. (NDM108VB)

Andrew Davies (Gorllewin Abertawe)

- Cynnig bod y Cynulliad:
 - i. yn nodi gyda chymeradwyaeth y Ddogfen Raglennu Sengl ddrafft ar gyfer ardal Amcan 1 y Gorllewin a'r Cymoedd a'r Rhaglen Weithredu ddrafft ar gyfer ardal Amcan 3 y Dwyrain, a osodwyd yn y Swyddfa Gyflwyno ar 13 Hydref 1999;
 - ii. yn awdurdodi'r Prif Ysgrifennydd i'w cyflwyno i'r Comisiwn Ewropeaidd erbyn 29 Hydref 1999, gyda'r gwelliannau hynny y mae'n rhaid wrthynt i ateb gofynion technegol y Comisiwn ; a'i fod
 - (iii) yn gofyn i'r Prif Ysgrifennydd gynted ag y gall i osod gerbron y Cynulliad, yn y Gymraeg a'r Saesneg, destunau terfynol y dogfennau a gyflwynwyd i'r Comisiwn. a

Bod y Cynulliad yn nodi gyda chymeradwyaeth ddrafft diweddaraf y Strategaeth Datblygu Economaidd Genedlaethol a osodwyd yn y Swyddfa Gyflwyno ar 14 Hydref 1999, a'i fod yn gofyn i'r Prif Ysgrifennydd i'w datblygu ymhellach yng ngoleuni'r cyllid Ewropeaidd ychwanegol a ddaw i Gymru a'r angen i gymhathu cymaint ag y gellid y polisiau a'r rhaglenni a ariennir gan Ewrop gyda pholisiau a rhaglenni domestig. (NDM109VB)

Gwelliannau i gynnig NDM109VB

1. Michael German (Dwyrain De Cymru)

Alun Cairns (Gorllewin De Cymru);

Cynnig bod y Cynulliad yn penderfynu mabwysiadu'r gwelliannau canlynol i'r cynnig uchod:

Ychwaneger y cymal newydd canlynol ar ôl y cymal ii presennol ac ailrifo yn unol â hynny:

"iii. Mae angen cynnwys yn nhestun terfynol y ddogfen ymrwymiad cadarn i ddatblygu entrepreneuriaeth yng Nghymru, gan gynnwys, yn benodol, y ddau amcan canlynol:

- newid agweddau tuag at ymddygiad entrepreneuriaid, a'i hyrwyddo, ymhlith yr holl gyfranddeiliaid ar bob lefel ac yn enwedig ymhlith pobl ifanc er mwyn dygymod â newid a chynyddu potensial economaidd i'r eithaf

ehangu'r Cwricwlwm Cenedlaethol er mwyn sicrhau bod profiad entrepreneuriaid yn hawl i bob plentyn a pherson ifanc"

2. Phil Williams (Dwyrain De Cymru)

Alun Cairns (Gorllewin De Cymru)

Michael German (Dwyrain De Cymru)

Cynnig bod y Cynulliad yn penderfynu mabwysiadu'r gwelliannau canlynol i'r cynnig uchod:

Ar ôl cymal iii): dileer 'a' ac ychwaneger:

iv) yn croesawu'r ymrwymiad blynyddol i ddarparu gwariant cyhoeddus fel y'i cyhoeddir yn Nhabl 3.2 o'r Ddogfen Raglennu Sengl ar gyfer Amcan 1, ac mae'n cydnabod y bydd cyfanswm y gyllideb a nodir yn y Tabl hwn, ynghyd â'r cyllidebau a neilltuir ar gyfer Amcanion 2 a 3, o'u defnyddio'n effeithiol yn unol â'r blaenoriaethau a nodir yn y Ddogfen Raglennu Sengl, yn arwain at adfywiad economaidd a chymdeithasol yng Nghymru,

v) yn nodi bod gweithredu'r rhaglen hon yn dibynnu ar y ddealltwriaeth glir y bydd y Cynulliad yn cael cyllid digonol, sy'n ychwanegol at grant bloc Barnett, oddi wrth y Trysorlys, fel bod yr arian cyhoeddus cyfatebol y mae ei angen ar gael er mwyn denu'r holl arian a neilltuwyd i Gymru gan yr UE o'r gronfa strwythurol, a

vi) yn ceisio datganiad diamwys cyn 29 Hydref 1999 oddi wrth y Prif Ysgrifennydd na welir gostyngiad yn y gyllideb gynlluniedig ar gyfer materion megis lechyd, Addysg, y Gwasanaethau Cymdeithasol, a'r Amgylchedd, sy'n cael eu hariannu o'r bloc, er mwyn manteisio'n llawn ar gyllideb y gronfa strwythurol a nodir yn Nhabl 3.2.

Cynnig a gyflwynwyd 14 Hydref 1999

Andrew Davies (Gorllewin Abertawe);

Cynnig bod y Cynulliad yn penderfynu

(1) bod Cynllun Pensiwn Aelodau Cynulliad Cenedlaethol Cymru yn cael ei newid fel a ganlyn:

(a) Yn Rheol 2.(1), yn y lle priodol, ychwaneger "'the Assembly

Cabinet' means the committee of the National Assembly for Wales established under section 56 of the Act";

(b) Ym mharagraff (3) o Reol C2, yn y diffiniad o "qualifying officer",

ychwaneger y canlynol, "and the leader of the largest party not represented in the Assembly Cabinet"

(c) Yn Rheol F1, ar ôl paragraff (a) ychwaneger "and" a dileer is-

baragraff (c)

(d) Yn Rheol K6, yn is-baragraffau (a)(ii) ac (c)(i) a (ii), yn y naill le a'r

llall, dileer y geiriau "sub-paragraphs (a) to (c) of Rule F1(1)", a rhodder y canlynol yn eu lle, "sub-paragraphs (a) and (b) of Rule F1"; ac

(e) Ym mharagraff 9 o Atodlen 1 rhodder "decision" yn lle "direction" a

rhodder "further decision" yn lle "subsequent decision".

(2) bod Cynllun Cyfraniadau Ychwanegol Gwirfoddol yn cael ei sefydlu ar gyfer Aelodau Cynulliad Cenedlaethol Cymru yn unol â'r telerau yn y drafft a gyflwynwyd ar 14 Hydref 1999. (NDM110VB).